

歷代建元考
二



叢書集成

初編

主編 王 雲 五

商務印書館發行

歷代建元考

(二)

鍾淵映撰

歷代建元考卷上

漢劉氏

太祖高皇帝邦沛人。以秦二世元年起兵爲沛公。乙未。楚義帝遣之滅秦。爲漢王。己亥。滅楚項氏。卽皇帝位。都長安。用秦正。以十月爲歲首。十二年丙午崩。

孝惠皇帝盈。太祖太子。以丙午嗣立。七年癸丑崩。母呂后。名後宮子爲帝。子立之。太后臨朝。九年崩。大臣誅呂氏。廢少帝。太宗孝文皇帝恒。太祖子。封代王。辛酉。太尉周勃等迎立之。十七年戊寅。稱後元年。又七年甲申崩。

本紀十七年得玉杯。

新垣平令人詐獻之。

刻曰。人主延壽。于是天子始更爲元年。

宋胡安國春秋傳曰。元年卽位之始年也。自謂累數雖久而不易。此前古人君記事之例。春秋祖述爲編年法。及漢文帝惑方士之言。改後元年。始亂古制。夫在位十有六載矣。復稱元年。可乎。孝武又因事別建年號。歷代因之。或五六年。或三四年。或一歲再更。使記注繁蕪。莫之勝載。夫歷世無窮。而美名有盡。豈記久明遠可行之法也。必欲傳久。當以春秋編年爲正。

孝景皇帝啓。文帝太子。以甲申嗣立。乙酉稱元。壬辰中元年。戊戌後元年。共在位十六年崩。

世宗孝武皇帝徹。景帝子。封膠東王。立爲太子。庚子嗣立。

踰年改元。

太初元年正歷。始以正月爲歲首。甲午

崩。在位五十四年。改元十一。

建元六。

元光六。

元朔六。

元狩六。

元鼎六。

元封六。以封泰山改。

太初四。

天漢四。

太始四。

征和四。

後元二。

漢書終軍傳。對曰。今郊祀未見于神祇。而獲獸以饋。宜因昭時令日。改定告元。對奏。由是改元爲元狩。劉仲馮按紀。獲麟在于元狩元年。史紀封禪書。元鼎三年。有司始言元。不宜以一二數。乃目三元曰狩。蓋追述也。

史記封禪書。有司言元宜以天瑞命。不宜以一二數。一元曰建。二元以長星日光。三元以郊得一角獸曰狩云。

漢書本紀。夏四月癸卯。上還登封泰山。降坐明堂。詔曰。朕以渺身承至尊。兢兢焉。惟德菲薄。不明于禮樂。故用事八神。遭天地況施。著見景象。屑然如有聞。震于怪物。欲止不敢。遂登封太山。至于梁父。然後升壇肅然。自新。嘉與士大夫更始。其以十月爲元封元年。

通鑑注曰。應劭曰。時頻年苦旱。故改元爲天漢。以祈甘雨。師古曰。大雅有雲漢之詩。周大夫仍叔所作。以美宣王遇旱災修德勤政。而能致雨。故依以爲年號也。

宋胡三省通鑑注曰。自古帝王未有年號。始起于此。貢父曰。封禪書云。其後三年。有司言元宜以天

瑞命不宜以一二數推所謂其後三年者蓋盡元狩六年至元鼎元年也然元鼎四年方得寶鼎又無緣先三年稱之以此而言自元鼎以前之言皆有司稱所追命其實年號之起在元鼎故元封改元則始有詔書也宋王楙野客叢書曰前漢諸君末年甚有異者文帝十六年改爲後元年其說出於新垣平之詐候日再中以爲吉祥故改年以求延年之祚既詐覺被誅景帝猶且因之景帝七年稱中元年又六年稱後元年至三年而終武帝在位五十四年屢更年號最後更爲後元而以二年終不知當時何所據而分中與後謂之後則宜若有盡乃不諱何耶自是之後不復建後元之號矣

孝昭皇帝弗陵武帝少子以甲午嗣立元·論年改在位十三年丁未崩改元三

始元六

元鳳六六·以鳳凰下紀元

元平一

中宗孝宣皇帝詢初名病已武帝曾孫戾太子孫史皇孫子昭帝崩昌邑王立無道大將軍霍光廢之丁未帝嗣立元·論年改在位二十五年壬申崩改元七

本始四

地節四四·以地震山崩水出欲令地得其節改

元康四

神爵四四·以神爵降故

五鳳四

甘露四四·以甘露降改

高宗孝元皇帝奭中宗太子以壬申嗣立元·論年改在位十六年戊子崩改元四

初元五

永光五

建昭五

竟寧元帝紀

漢垂長無兵革之事
其改元為竟寧

孝成皇帝驚高宗太子以戊子嗣立。元改在位二十六年甲寅崩改元七。

建始四。

河平四。以河決堤塞輒平改。

陽朔四。

鴻嘉四。

永始四。

元延四。

綏和二。

成帝紀河平四年山陽火生石中明年改元為陽朔師古曰朔始也以火生石中言陽氣之始

孝哀皇帝欣高宗孫定陶王子成帝立為太子以甲寅嗣立。元改在位六年庚申崩改元三。

建平四。

太初元將。即建平二年六月除。

元壽二。

建平二年六月待詔夏賀良等以赤精子之讖漢家歷運中衰當再受命宜改元易號詔曰漢興二百載歷數開元皇天降非材之佑漢國再獲受命之符朕之不德曷敢不通夫基事之元命必與天下自新其大赦天下以建平二年為太初元將元年號曰陳聖劉太平皇帝漏刻以百二十為度八月詔除之曰待詔夏賀良等建言改元易號增益漏刻可以永安國家朕過聽賀良等言冀為海內獲福卒亡嘉應皆違經背古不合時宜辛酉甲子制書非赦令也皆蠲除之賀良等反道惑衆下有司皆伏辜

孝平皇帝衍高宗庶孫中山王子以庚申嗣立。元改在位五年乙丑為王莽酖崩改元一。

元始五。

孺子嬰。宣帝曾孫。以丙寅立爲孺子。王莽稱假皇帝。在位三年。戊辰。莽廢爲安定公。改元二。更始時起兵。稱皇帝。被殺。

居攝二。

初始一。

漢書。居攝三年十一月甲子。莽上奏太后。以居攝三年爲初始元年。漏刻以百二十爲度。奏可。新王莽。元城人。元帝后從子。初封新都侯。進安漢公。攝皇帝。以己巳篡漢。改正朔。以十二月爲歲首。在僞位十五年。更始元年癸未。爲漢兵所誅。改元三。

始建國五。

天鳳六。

地皇四。

漢書。天鳳六年春。莽見盜賊多。乃令太史推三萬六千歲歷紀。六歲一改元。布天下。明年改元地皇。淮陽王元。景帝後。舂陵戴侯曾孫。癸未。諸將立之于高陽。王莽誅。遷都長安。三年。赤眉入關。遇害。改元一。更始。

右西漢十一帝。二百一十四年。外王莽十五年。淮陽王三年。

西漢末諸國考

漢

劉盆子。城陽景王後。以乙酉爲赤眉所立。後二年丁亥。降于世祖。改元一。建世。

成

公孫述茂陵人。以更始二年甲申稱蜀王。明年乙酉。卽帝位于成都。十二年丙申。漢將吳漢拔成都。戰死。改元一。

龍興。時有龍出其府中。因以紀號。

隗囂天水成紀人。以更始元年起兵應漢。去莽年號。改元一。

漢復。

按王莽末羣雄競起。其年號可考者三。他若梁王永鍾、武侯望、孺子嬰。俱以宗室稱帝。王郎、盧芳。俱以僞劉氏稱帝。其羣盜竊號者。淮南李憲、齊張步、燕彭寵、海西董憲。當時紀元與否。紀載闕如。覽者莫能詳焉。

世祖光武皇帝秀。南陽人。長沙定王後。以壬午同兄續舉兵。甲申。更始封蕭王。乙酉。卽皇帝位于鄴。在位三十三年。丁巳崩。改元二。

建武三十二。建武中元二。

通鑑考異曰。續漢志云。以建武三十二年爲建武中元元年。紀年通譜云。據紀志俱出范氏。而所載不同。此必傳寫脫誤。今官書累經較定。學者失于精審。但見紀元復有建武二字。輒以意刪去。斯爲謬矣。梁武帝大同大通之號。俱有中字。是亦憲章于此。今從袁紀范書。

胡三省通鑑注曰。洪氏隸釋曰。成都有漢蜀郡太守何君造尊榼開碑。其末云。建武中元二年六月。按范史本紀。建武三十一年次年改爲中元。直書爲中元元年。觀此所刻。乃是雖別爲中元。而猶冠以建武。如文景中元後元之類也。又祭祀志載封禪後赦天下詔。明言云。改建武三十二年爲建武中元元年。東夷倭國傳。建武中元二年來奉貢。證據甚明。宋宮公紀元通譜云。紀志俱出范史。必傳寫脫誤。學者失于精審。以意刪去。梁武帝大同大通俱有中字。是亦憲章于此。司馬溫公作通鑑。不取其說。余按考異。溫公非不取宋說也。從袁范書中元者。從簡易耳。

顯宗孝明皇帝莊世祖第四子。立爲太子。以丁巳嗣立。元。論年改。在位十八年。乙亥崩。改元一。永平十八。

肅宗孝章皇帝烜。顯宗第五子。以乙亥嗣立。元。論年改。在位十三年。戊子崩。改元三。建初八。

元和三。

章和二。

漢紀。章和元年秋七月壬戌。詔以瑞物仍集。改元章和。宋王應麟玉海曰。賈逵傳。陛下通天然之明。建大聖之本。改元正歷。垂萬世則。注。改元謂改建初九年爲元和元年。八月癸酉。說正歷。謂元和二年始用四分歷二月甲寅。

孝和皇帝肇。肅宗第四子。以戊子嗣立。元。論年改。在位十七年。乙巳崩。改元二。

永元十六。

元興一。

孝殤皇帝隆和帝少子生始百日嗣立丙午崩改元一

延平一

孝安皇帝祐肅宗孫廢太子清河孝王慶之子以丙午嗣立元·論年改在位十九年乙丑崩改元五

永初七

元初六

永寧一

建光一

延光四

孝順皇帝保安帝太子廢爲濟陰王乙丑安帝崩閹后立北鄉侯懿懿卒中常侍孫程等奉王卽位論年改元在位十九年甲申崩改元五

永建六

陽嘉四

永和六

漢安二

建康一

孝沖皇帝炳順帝子年二歲以甲申嗣立論年改元在位一年崩改元一

永嘉一

孝質皇帝續肅宗元孫渤海王子年八歲以乙酉嗣立論年改元在位一年爲梁冀所酖崩改元一

本初一

孝桓皇帝志肅宗曾孫蠡吾侯子以丙戌嗣立論年改元在位二十一年丁未崩改元七

建和三

和平一

元嘉三

永興二

永壽三。

延熹九。

永康一。

孝靈皇帝宏。肅宗元孫。解瀆亭侯子。以丁未嗣立。元。年改在位二十二年。己巳崩。改元四。

建寧四。

熹平六。

光和六。

中平六。

宏農懷王辨。靈帝子。以己巳嗣立。尋爲董卓所廢。祓崩。改元二。

光熹。

昭寧。

孝獻皇帝協。靈帝中子。靈帝崩。宦官殺何進。董卓因廢何太后。少帝爲宏農王。帝以己巳嗣立。元。即改在位

三十二年。庚子禪位于魏。後十四年甲寅崩。改元五。

永漢一。

初平四。

興平二。

建安二十四。

延康一。

漢紀。中平六年十二月戊戌。詔除光熹。昭寧。永漢三號。除三號。復稱中平六年。

右東漢十三帝一百九十六年。

按東漢羣盜。歷陽華孟稱黑帝。句章許生稱陽明皇帝。蜀中張角稱黃天泰平。前史但云僞稱。非年號也。他若九江馬勉稱帝。抱罕宋建稱河首平漢王。建號改元。闕而不載。至于袁術之僭號壽春。亦無從考其年號。蓋史家之失紀者多矣。

昭烈皇帝備。涿郡人。中山靖王後。以建安十九年甲午取益州。己亥稱漢中王。辛丑。卽皇帝位。三年癸卯。

崩改元一。

章武三。

安樂思公禪昭烈帝太子以癸卯嗣立。即改元。在位四十一年癸未降于魏改元四。

建興十五。

延熙二十。

景耀。五。以景星見改。

炎興一。

三國志評曰禮國君繼體踰年改元而章武之三年則革稱建興考之古義體理爲違右後漢二帝四十三年通前二漢四百五十五年。

宋書五行志劉備卒劉禪卽位亦未踰月而改元爲建興此言之不從也。習鑿齒曰禮國君卽位踰年而後改元者緣臣子之心不忍一年而有二君也。今可謂亟而不知禮矣。君子是以知蜀之不能東遷也。後又降晉吳孫亮晉惠帝宋元凶亦然亮不終其位惠帝號令非已元凶尋誅言不從也。

魏曹氏。

世祖文皇帝不譙國人武帝操之子庚子嗣魏王位尋受漢禪稱帝在位七年丙午殂改元一。

黃初七。

烈祖明皇帝叡文帝子以丙午嗣立。踰年改元。在位十三年己未殂改元三。

太和六。

青龍四。

景初三。

魏紀青龍元年春正月甲申青龍見摩陂井中二月帝如摩陂而觀龍改元。

景初元年春正月壬辰山荏縣言黃龍見高堂降以爲魏得土德故其瑞黃龍見宜改正朔易服色以神明其政帝從其議三月下詔改元以是月爲孟夏四月從地正也三年冬十二月時齊王已卽位詔復以建寅之月爲正

齊王芳明帝養爲子以己未嗣立元·論年改在位十五年甲戌爲司馬師所廢改元二

正始九

嘉平六

高貴鄉公髦文帝孫東海定王子以甲戌嗣立在位七年庚辰以討司馬昭遇弑改元二

正元二

甘露五以甘露降改

元皇帝奂武帝孫燕王宇子以庚辰嗣立在位六年乙酉禪于晉改元二

景元四

咸熙二

右魏五主四十六年

附考

烈祖景初元年遼東公孫淵自立爲燕王遣司馬懿擊斬之淵改元一

紹漢

吳孫氏

大皇帝權吳郡富春人武烈帝堅之子長沙桓王策之弟以漢末有江東壬寅改元己酉稱帝在位三十

二年壬申。改元六。

黃武。

七。以承漢。爲土德改。黃龍。三。以夏口武昌黃龍見改。

嘉禾。六。以會稽南始平嘉禾生改。

赤烏十三。

太元一。

神鳳一。

三國志。秋八月。武昌言麒麟見。有司言麒麟者。太平之應。宜改年號。詔曰。間者赤烏集于殿前。朕所親見。若神靈以爲嘉祥。若改年。宜以赤烏爲元。羣臣奏曰。昔武王伐紂。有赤烏之祥。君亟觀之。遂有天下。聖人書策載述最詳者。以爲近事。既嘉親見。又明也。于是改年。

會稽王亮。大皇帝少子。以壬申嗣立。即改元。在位七年。爲孫綝所廢。庚辰歲凶。以謠言自殺。改元三。

建興二。

五鳳二。

太平三。

宋書符瑞志。孫亮建興二年十一月。大鳥五見于春申。吳人以爲鳳凰。明年改元爲五鳳。

又曰。吳孫皓建衡三年。西苑鳳凰集。以之改元。義同千亮。

景皇帝休。大皇帝第六子。封瑯邪王。以戊寅嗣立。即改元。在位七年。甲申殂。改元一。

永安七。

歸命侯皓。大皇帝孫。故太子和之子。封烏程侯。以甲申嗣立。即改元。庚子。降于晉。在位十七年。改元八。

元興一。

甘露。一。時蔣陵甘露降改元。

寶鼎。三。以所在得大鼎改元。

建衡三。

鳳凰。三。以西苑言鳳凰集改。

天冊。一。以園地得銀冊改元。

天璽一。天紀四。

水經注。孫皓天璽元年。吳郡上言。臨平湖自漢末穢塞。今更開通。又于湖邊得石函。中有小石。青白色。長四寸。廣二寸餘。刻作皇帝字。于是改天冊爲天璽元年。

右吳四主六十年一

晉司馬氏。

世祖武皇帝炎。河內溫人。高祖宣帝懿孫。世宗景帝師從子。太祖文帝昭子。嗣封晉王。以乙酉受魏曹氏禪。庚子平吳。在位二十六年。庚戌崩。改元四。

泰始十。

咸寧五。

太康十。

太熙一。卽惠帝永熙元年。

宋令狐澄大中遺事。裴惲詩有太康字。宣宗曰。太康失邦。何以此謂我。宰執奏晉武帝改元太康。曰。天子須博覽。不然。幾錯罪惲。由是耽味經史。夜觀書不休。宮中竊目上爲老博士。

孝惠皇帝衷。世祖太子。以庚戌嗣立。卽改元。在位十七年。丙寅崩。改元十。

永熙一。

永平三月。

元康九。

永康一。

永寧一。

太安二。

永安六月。

建武五月。

永興二。

光熙一。

永康二年。趙王倫篡位。尊帝爲太上皇。尋反正。倫誅。改元一。

建始。

孝懷皇帝熾武帝子封豫章王立爲太弟以丙寅嗣位。元·論年改在位五年辛未洛陽陷遷于平陽。明年壬申太子薨稱制關中。後二年癸酉被弑改元一。

永嘉六。

孝愍皇帝鄴武帝孫吳王晏子以癸酉立于長安四年丙子長安陷丁丑遇害改元一。

建興四。

右西晉四帝五十二年。

中宗元皇帝睿高祖宣帝懿曾孫瑯邪王觀子襲封鎮建鄴以丁丑稱晉王改元戊寅卽皇帝位在位六年壬午崩改元三。

建武一。

太興四。

永昌一。

南陽王元保宣帝懿弟高密王泰之孫大興二年稱晉王于岐山後爲其將張春所弑改元一。

建康。

肅宗明皇帝紹中宗太子以壬午嗣立。元·論年改在位三年乙酉崩改元一。

太寧三。

顯宗成皇帝衍肅宗太子以乙酉嗣立。元·論年改在位十七年壬寅崩改元二。